

古大政紀

古武陵郡境甚廣兩漢率有事於溪蠻今所轄僅臨沅索  
二縣地前史征蠻事不泛撫也唐宋分析始定其間人事  
修墜疆土附屬史文約畧可舉並編次年月附於後云

漢

光武建武二十四年戊申七月武陵蠻寇臨沅後漢書光武紀

後漢書南蠻傳相單程等下攻臨沅遣謁者李嵩中山太守馬成擊之不克

二十五年己酉三月伏波將軍馬援等破武陵蠻於臨沅冬十

常德府志

卷二

古大政紀

月叛蠻悉降後漢書光武紀

後漢書南蠻傳伏波將軍馬援中郎將劉匡馬武孫永等將兵至臨沅擊破之單程等饑困乞降會援病卒謁者宗均聽悉受降為置吏司羣蠻遂平

晉

安帝義熙十一年乙卯沈林子斬郭亮之於七里澗宋書

宋書自叙傳司馬休之黨郭亮之招聚蠻衆屯據武陵太守王鎮惡出奔叅軍沈林子率軍討之斬亮之於七里澗納鎮惡武陵始平

唐

僖宗中和二年壬寅荆南節度監軍朱敬玫殺朗州刺史

謨唐書僖宗紀

**通鑑**時荆南節度使段彥謨與監軍朱敬玫相惡彥謨謀殺敬玫敬玫先帥眾攻彥謨殺之

乾符六年己亥十二月壬辰荆南將雷滿陷朗州刺史崔翥死

之唐書僖宗紀詳紀兵

### 五代梁

太祖開平二年戊辰雷彥恭據朗州楚王馬殷遣將攻取之

**五代史**馬殷傳馬殷遣將秦彥暉攻雷彥恭彥恭引沅水環城以自守彥暉遣裨將自水竇入城攻之彥恭潰走遂

常德府志

### 卷二

古大政紀

二

取朗州詳紀兵

### 宋

乾德元年癸亥三月戊寅慕容延釗克復朗州湖南平宋史太祖本紀

四月滅朗州等管內死罪一等擄掠者給主宋史太祖本紀

七月己巳朗州賊將汪端寇州城都監尹重睿擊走之全上

七月乙亥詔繕朗州城免其管內夏稅全上

九月磔汪端於朗州全上

**宋史**慕容延釗傳時慕容延釗為湖南道行營前軍都部署賊將汪端與眾數千擾朗州延釗擒之磔於市

神宗元豐三年庚申廢白博黃石二砦宋史地理志

徽宗政和七年丁酉陞鼎州爲常德軍上同

高宗建炎二年戊戌正月辛亥以孟忠厚爲常德軍承宣使宋史

高宗本紀

四年庚戌二月甲午鼎州民鍾相作亂自稱楚王詳紀兵

月辛丑以孔彥舟爲湖南北捉殺使癸卯孔彥舟入鼎州

戊辰擊敗鍾相高宗本紀詳紀兵

六月庚辰以程昌寓爲鼎澧州鎮撫使全上

十月丙子以孔彥舟爲鼎澧辰沅靖州鎮撫使全上程昌寓按時尙未

州入鼎

是月戊寅鍾相餘黨楊華等舉兵圍桃源縣癸未程昌寓入

常德府志 卷二 古大政紀 三

鼎州擊破之全上

高宗紹興元年辛亥六月庚辰湖賊楊華楊廣復犯鼎州詳紀兵

八月辛巳劉超等復寇鼎州全上

二年壬子二月甲子楊華復叛擾鼎澧潭三州全上

**〔本紀〕**詔立賞禽捕首領赦貸脅從

三年癸丑四月辛丑荆南總制羅廣率兵至鼎州討楊太詳紀兵

九月乙亥以王玘爲荆南府岳鄂潭鼎澧諸軍制置使置司

全上

四年甲寅七月癸丑楊欽等陷社木砦程昌寓口將擊破之口

詳紀兵

□□<sup>卯</sup>二月丙戌岳飛將兵平湖賊楊太五月己亥□□□

次鼎州<sup>上全</sup>

〔宋〕史高宗本紀紹興五年五月壬子岳飛急攻湖賊水砦賊將陳瑄降楊太赴水死餘黨劉衡等皆降飛急擊夏誠斬之丁巳湖城黃誠斬楊太首挾鍾子義周倫詣都督府降湖湘悉平

十七年<sup>丁卯</sup>六月改命普安郡王瑗為常德軍節度使<sup>上全</sup>

孝宗乾道元年<sup>乙酉</sup>九月丁卯升鼎州為常德府<sup>宋史孝宗本紀</sup>

度宗咸淳五年<sup>戊戌</sup>四月己丑以樞密都承旨劉雄飛知沅州

兼常德等五郡鎮撫使<sup>宋史度宗本紀</sup>

常德府志

卷二

古大政紀

四

十年<sup>癸卯</sup>四月戊午以呂文福為常德等五郡鎮撫使<sup>上全</sup>

元

順帝至正十二年<sup>壬庚</sup>置常德安撫司<sup>元史地理志</sup>

十四年<sup>甲午</sup>改常德安撫司為總管府<sup>上全</sup>

十六年<sup>丙申</sup>三月天完徐壽輝將倪文俊陷常德等路<sup>元史類編</sup>

〔明〕史友諒殺天完將倪文俊併其軍遂據有常德等路□

二十四年<sup>甲辰</sup>二月明太祖滅偽漢盡平湖廣地<sup>明史</sup>

明

洪武二十四年桃源民蘇彬請免荒田額糧不□二□□□

彬復懷疏縊登聞鼓下蠲免二萬二千石<sup>縣志</sup>

洪武二十四年蠲龍陽川賦一萬三千有奇龍陽縣志

縣志龍陽典史青文勝以地濱洞庭夏潦蜀漲溢為巨浸民無以輸三上疏不報遂懷前疏自經登聞鼓下事聞特命官馳覈合原額蠲其租三分之一

孝宗宏治元年戊中大旱免本年夏稅明史孝宗本紀

世宗五年丙戌旱常德盜起衛官某計擒之舊志詳兵紀

天啟六年盜猝至常德衛掌印指揮周嗣頤前所千戶李先開拒賊於武場死之舊志

崇禎十四年辛巳龍陽盜起□道□瑾捕□之設守備防禦舊志

十六年冬張獻忠陷府城同知朱國治攝武陵縣事蔣道亨

常德府志 卷二 古大政紀 五

上林苑監正楊鷺永州教授萬國寧等死之欽定節錄

舊志殺戮遍村市擒青衿百餘人其最有聲者季嗣先揚時生等七十餘人不屈皆斬之竊據一月而去

按明諸帝免湖南稅事涉公共府屬糧數多寡無徵不具錄